



KEMENTERIAN PERPADUAN NEGARA

TEKS UCAPAN

**YB SENATOR PUAN SARASWATHY KANDASAMI
TIMBALAN MENTERI PERPADUAN NEGARA**

SEMPENA

**MAJLIS MAKAN MALAM KEBUDAYAAN & PERASMIAN
PERSIDANGAN ANTARABANGSA PENYELIDIKAN KORPUS
2024**

24 JULAI 2024

8.30 MALAM

**DEWAN MUALLIM, SCHOLAR SUITES
UNIVERSITI PENDIDIKAN SULTAN IDRIS**

Terima kasih Saudara / Saudari Pengacara Majlis.

SALUTASI DISEDIAKAN SECARA BERASINGAN

Salam Sejahtera, Salam Perpaduan dan Salam Malaysia Madani.

1. Saya Syukur kepada Tuhan dengan izin-Nya dapat kita bersama – sama berkumpul dalam majlis pada hari ini, iaitu Persidangan Antarabangsa Penyelidikan Korpus 2024 yang dianjurkan buat julung kalinya di UPSI, tanah Muallim himpunan para ilmuwan.
2. Pertama sekali, saya ingin merakamkan penghargaan kepada Naib Canselor UPSI dan Special Interest Group (SIG), Fakulti Bahasa dan Komunikasi, UPSI atas kesudian menjemput saya untuk hadir pada hari ini.
3. Syabas dan tahniah juga diucapkan kepada semua ahli jawatankuasa yang telah bertungkus lumus dalam merealisasikan persidangan ini.

Hadirin yang dikasihi sekalian,

4. Saya bagi pihak Kementerian Perpaduan Negara sangat berbesar hati dengan penganjuran persidangan ini yang bertemakan “Eksplorasi Etnolek: Kemapanan, Pendokumentasian dan Pendigitalan”.
5. Penyelidikan bahasa berasaskan korpus yang diketengahkan persidangan ini melambangkan satu gagasan pemikiran yang sejagat dalam menyatupadukan dan mengharmonikan persefahaman antara bangsa.
6. Saya juga sangat tertarik dengan agenda persidangan ini yang menumpukan penyelidikan terhadap keunikan Bahasa Etnik di Semenanjung Malaysia mahupun di Kepulauan Emas, Borneo.
7. Kementerian Perpaduan Negara sentiasa cakna dan memandang berat peranan bahasa dalam konteks perpaduan. Kepelbagaian bahasa di Malaysia bukan sahaja lambang semata-mata, tetapi sebuah pemikiran dan identiti masyarakat majmuk yang mendiami tanah ini sendiri.
8. Dalam hal ini, penyelidikan tentang bahasa harus dirancarkan secara berterusan bagi menyumbang satu makna berwawasan untuk pendidikan, kelestarian, perpaduan dan pembangunan insan.

Hadirin yang dihormati sekalian,

9. Sesungguhnya, saya yakin dan berharap agar persidangan ini dapat mewujudkan kerjasama, perkongsian fikiran dan meluaskan jaringan ilmu dan penyelidikan dalam kalangan sarjana tempatan mahupun antarabangsa. Izinkan saya sampaikan sebuah pantun:

Gunung bernama Jajaran Titiwangsa,
Tegak kukuh dalam wawasan;
Perpaduan jalinan berbilang bangsa,
Ibarat tenunan tekat warisan.

10. Pantun ini mengungkapkan bahasa sebagai wadah interaksi dan komunikasi bagi menyemarakkan perpaduan sebuah negara bangsa. Akhir kata, saya dengan sukacitanya merasmikan Persidangan Antarabangsa Penyelidikan Korpus 2024, Universiti Pendidikan Sultan Idris.

Sekian, terima kasih.